

隴山松

我居西山時六年山西上有松孤然朝雲霏微接關塞暮雨浙
瀝交洞天天生此境為吾伴隔澗相陪遠相看鬱鬱蒼蒼氣色
佳蕭蕭瑟瑟風聲貫連枝合抱垂重陰受命已經千載深如何
今歲上春月平地忽遭樵斧侵斧聲丁丁響溪谷松煙慘慘愁
山麓也知天意我將歸故遣靈巖爾先覆有夏禹廟甚靈景亡人散復
何陳空山點淡悲遊人白鶴高飛失行止蒼龍偃卧無精神亦
知物象終難固凡百有形皆有數高歌物外歸去來大隱廊中
益開悟

贈濰陽唐括姑乃故丞相之女弟也予時在隴山京兆統

道藏輯要

礪溪集

早

又胃集三

軍夾谷公專人書召姑尋至

東萊之姑性立遠蘊德含章自超拔未能撈漈今古原西出長
安載脂牽殷勤邀吾於隴山余時杖策徐東還還到長安舊遊
處故人不死多蒼顏迴頭為報姑明取百歲光陰一寒暑速拋
家業違物情早作閑人伴仙侶壺中自遊日月長身外不復哀
殘殃跨古騰今別無事只由大德心開張

因旱作

玄元大道統陰陽造化乾坤萬物昌高下如能各處分始終即
得免羅殃今之曷故多裁障蓋為人心胡縱放美食鮮衣器用
華狂朋怪侶邪淫王陰陽交錯古來傳恩害相生本自然迤邐

不能廉度日因循直致早經年青霄碧落常無雨紫陌紅塵唯
播土鑠石流金萬物焦鎔腸裂背羣生苦有時率眾取湫祈禱
肉糝槃自噎飢侮慢加之傷物命喧呼何足動神祇哀哉俗態
荒蒼色箇箇傾危身反側安得人心似我心免遭痛切臨頭厄

贈華州沙澗寨劉校尉

劉公滿室皆行善供養閑人心不倦巧行謾天我不為至心奉
道人皆羨殷勤種德養靈芽閩郡生良有幾家仁看異日功夫
到共躡祥雲阿母家

愍物 二首比歲飢癘相仍之故也

天蒼蒼兮臨下土胡為不救萬靈苦萬靈日夜相凌遲飲氣吞

道藏輯要

確溪集

又胃集三

聲死無語仰天大叫天不應一物細瑣徒勞形安得大手復混
沌免教造物生精靈

嗚呼天地廣開闢化出眾生千百億暴惡相侵不暫停循環受
苦知何極皇天后土皆有神見死不救知何因下土悲心卻無
福徒勞日夜含酸辛

六月庚午喜雨

我聞東山雨千載無西行胡為闕今夏屢及滂沱霑昨日午時
後一洗芽甲生今日申時前再傾車軸烹千山日慘慘四野雷
轟轟平地涌三尺大河侵五更蛟龍出池沼旱魃填溝坑雲漢
復何有天衢從此亨